



This project has received funding from the European Union's Horizon 2020 research and innovation programme under grant agreement No. 869471

CHARTER (Чартер) – едэйвана пявы проект. Манзаяда Европейский Союзхад Horizon 2020 программа' сэр" салбамбада. Тики манзаям' климат' нули' мэр" несэймава нямна тикахад ям' мэ"мам' сававна таслава е"эмня пядунзь.

Тики манзая нюм' английской вади Drivers and Feedbacks of Changes in Arctic Terrestrial Biodiversity хэбцякувна серта"ма. Ненэй вадавна хэта нямгэхэд нумва минаць несэйворнам' тасламби". Тикахад тюку илнугана" нэрм' яна' тиңгы" хобада, нум' сармик" тенз" тяхакуй то"лаха" ни"на, несэйвормамдо' хусувэй хибя хамадамбида.

Тет пон таславы проект тюку по' пилю" ирыхад манзара пядась. Тикахана хасава юкад' вата параюода ёхот' тэравы" сидя ю" нупой научно-исследовательской институт манзара". Серо' пэртядо' Лапландской Университ' Арктической центрахана манзарана - профессор Брюс Форбс.

Тики проектахана Россия' яна", Европа' нэрм' ё несэйвормам' тохоламбанго'. Нумда (климатда) несэйворнам', ям' несэйвормам', Арктика' сармик" тенз" несэйвормам' манэсарта". Ханзер' сырада еңгама, итя нубтена яв' салаба нямгэ сусана. Тики хавна, сэрерта ханзер' холкангавам', нэрм' яна' климат несэйворнам' манэсарта".

Нумда' несэйворо"мам' учёный" хавна тэхэна" мэна" ненэця хусувэй ялэ" маниейдо'. Манзаяханандо' ты" сава ходолава" нули' тара". 2013/14 салаба похона нока ненэця' ты" хаць. Тамальнугана я' хоба ний салабаңэ хаясь. Ямал' няна иленя" ненэця" тики похона тыто' ходо' салаба' нылна еремяць. Нядам' нись ху", тивто' терся, вынхала 61000 ты хаць. Теда' Ямало-Ненецкий округ' тиңгэвна мале сян" районхана ненэця" тэсялмаць. Нокаюм' пелядо', тыдо' вадабава е"эмня, нядэ ха"мыдаць, маси' тад нерняна, тэдомдо' вадава сер", нани' тарця сэрад по" пирдалеңгудо'. 2019/2020 похона Финляндияхана илена" ты" пэртя" нани' сэрдан' еремяць. Салабахад 15000 ты хавысь, ты" пэртя" забойкан' миць тыдо' яңгувы, ясядамдо' нивы" ня"ам". Тики сэрдахад манзаядо' тамна тоянанаңэ хаясь. Ты - нэрм' няна сямян' тарана я' сармик. Тики хавна, ты" яна' экосистема сававна манзарава е"эмня нули' тара".

Набцата, ты" пэрма манзая, ты" ходолава ё сававна мэ"ма, яна' несэйворомам' таб"ламби, я' нылы сэрадам' томдамби. Ты" таңы' ельцяңгана нядам' вуни" навор". Нуво, неро' вэбам' нурна", тарем' ты" региона' климатм' нани' несэймдась пирна"до'. CHARTER нэрм' ненэцие ня" нобкана манзарава е"эмня таславы проект: ханзер' нэрм' тер" нум' несэйвормам' тасламби", илнуганандо' хуркавна теберна.



www.charter-arctic.org

@CharterArctic



ARCTIC CENTRE
University of Lapland



This project has received funding from the European Union's Horizon 2020 research and innovation programme under grant agreement No. 869471

Тикы' хавна, CHARTER я' мидхы ява' хурка нэвам' тохоламби, хурка я' сармик" илевы", нумда хурка нэвы, салабанда, сыранда хурка нэвам' нани' тасламбидо'. Тикым' голоцен' периодхад манэтадо' (11 000 по техэй'). Таремугав", нэбцата 40 по техэй' нум' хурка нэвам' нани' тохоламбангудо'.

CHARTER манзаям' ты" пэрти" ня', я' ний, я' мюйм' сабкабада манзарани" ня' нобкана тэртадо'. Тикы манзая сер" таслангудо' ханзер' нобкана манзара сава, хуркавна несэйворта нум' теневавам' серта сава нэнгу, ханзер' тикы тасалковам' регионва" нерня минре пиртада, илнганана" тарабцода хурка нэнгу.

Тикы' е"эмня проектана' цель тарця: нэрм' няна илени" ненэцие едэй ила' нямна, климат', я' хоба' несэймдава' нямна, идо' ядорабцо" хурка нэвам' хонрамба тара. Тарця" нэрм' ненэцие ила' тасако" ма 2050 нэсонд' сертабада изменения климата сценарий падыбади" манзаян' нули' тара. Маня" проектана' задачада тикы хавна тарця - Арктика яна" серо' тасламбда" нэрм' няна илени" ненэцие" вабцан' инзебто', нэрм' ненэцие" ила' мэсыдм' манзаяханадо' нани' тасламбто', тикахана, Арктика ё' нямна нэда манзаямдо' тарабтангу. Климат несэйворома' тохоламбавам', регион" нерня' мива манзаям' нядангу.

CHARTER проектава 7 пеляхад пере. Хусувэй пелянда' манзаям' нерня пэртидо' тания".

Тикы хавна серо" тасламабаданэ ты" пэртя", Округ тиңгэвна администрацияхана манзарани" ерв", министерствахана тарана", наука вади нерня' хэтабада" нани' тания".

Ненэй вадавна хонаркова е"эмня Роза Лаптэян' паднада": roza.laptander@ulapland.fi



www.charter-arctic.org

@CharterArctic



ARCTIC CENTRE
University of Lapland